



Broj: 02-05-33857-5/19
Sarajevo, 19.09.2019. godine

PRIJELJENO: 20-09-2019			
Organizaciona jedinica	Klasifikaciona oznaka	Redni broj	Letak
01/01	34-2692/19		

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst, 37/14 – Ispravka), i člana 4. Zakona o posredovanju u zapošljavanju i socijalnoj sigurnosti nezaposlenih osoba ("Službene novine Kantona Sarajevo", br: 4/04, 29/09 i 18/13) Vlada Kantona Sarajevo na 38. sjednici održanoj 19.09.2019. godine, donijela je sljedeći

ZAKLJUČAK

1. Utvrđuje se Program o izmjenama i dopunama Programa mjera za podsticaj zapošljavanja i održavanja više stope zaposlenosti u Kantonu Sarajevo u 2019. godini, koji je sastavni dio ovog Zaključka.
2. Za realizaciju Programa iz tačke 1. ovog Zaključka zadužuje se Javna ustanova „Služba za zapošljavanje Kantona Sarajevo“ Sarajevo.



Dostaviti:

1. Predsjedavajući Skupštine Kantona Sarajevo
2. Zamjenica predsjedavajućeg Skupštine Kantona Sarajevo, gđa. Danijela Kristić
3. Premijer Kantona Sarajevo
4. Ministarstvo za rad, socijalnu politiku, raseljena lica i izbjeglice Kantona Sarajevo
5. Ministarstvo privrede Kantona Sarajevo
6. Javna ustanova „Služba za zapošljavanje Kantona Sarajevo“ Sarajevo (putem Ministarstva za rad, socijalnu politiku, raseljena lica i izbjeglice Kantona Sarajevo)
7. Evidencija
8. Arhiva





Bosnia and Herzegovina
Federation of Bosnia and Herzegovina

CANTON SARAJEVO
Government

Broj:02-05-33857-5.1/19
Sarajevo, 19.09.2019. godine

Na osnovu člana 4. stav (1), a u vezi čl. 9 i 10. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 4/04, 29/09 i 18/13), a na zajednički prijedlog Ministarstva za rad, socijalnu politiku, raseljena lica i izbjeglice Kantona Sarajevo, Ministarstva privrede Kantona Sarajevo i Javna ustanova "Služba za zapošljavanje Kantona Sarajevo" Sarajevo, Vlada Kantona Sarajevo je na 38. sjednici održanoj 19.09.2019. godine u t v r d i l a:

PROGRAM

o izmjenama i dopunama Programa mjera za podsticaj zapošljavanja i održavanja više stope zaposlenosti u Kantonu Sarajevo u 2019. godini

Član 1.

U Programu mjera za podsticaj zapošljavanja i održavanja više stope zaposlenosti u Kantonu Sarajevo u 2019. godini br:02-05-10571-17.1/19, utvrđen Zaključkom Vlade Kantona Sarajevo broj: 02-05-10571-17/19 od 21.03.2019.godine, član 2. mjenja se i glasi:

„Član 2.

Pojedinačne podsticajne mjere koje se realizuju u 2019. godini su:

a) Programi u realizaciji:

1. Program javnih radova;
2. Program sufinansiranja zapošljavanja „Posao za sve“;
3. Program obuke, dokvalifikacije i prekvalifikacije nezaposlenih osoba za poznatog poslodavca.

b) Novi programi:

1. Program sufinansiranja „Razvoj preduzetništva i podrška pokretanju novih start up kompanija na području Kantona Sarajevo“ – UNDP (Razvojni program Ujedinjenih nacija u BiH).“
2. Program javnih radova PLUS
3. Program sufinansiranja samozapošljavanja osoba do 35 godina života

Član 2.

Član 3. Mjenja se i glasi:

„Član 3.

Finansijska sredstva za realizaciju pojedinačnih podsticajnih mjera iz člana 2. Programa, obezbjeđuje Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba) u iznosu od 3.116.720,00 KM i ista se raspoređuju na pojedinačne podsticajne mjere na slijedeći način:

a) Programi u realizaciji:

1. Program javnih radova – 1.059.600,00 KM za 600 nezaposlenih osoba;
2. Program sufinansiranja zapošljavanja „Posao za sve“ – 840.000,00 KM za 200 nezaposlenih osoba;
3. Program obuke, dokvalifikacije i prekvalifikacije nezaposlenih osoba za poznatog poslodavca – 257.120,00 KM za najmanje 64 nezaposlene osobe.

b) Novi program:

1. Program sufinansiranja „Razvoj preduzetništva i podrška pokretanju novih start up kompanija na području Kantona Sarajevo“ – UNDP (Razvojni program Ujedinjenih nacija u BiH) – 396.000,00 KM za 55 nezaposlenih osoba.“
2. Program javnih radova PLUS– 164.000,00 KM za 92 nezaposlenih osoba
3. Program sufinansiranja samozapošljavanja osoba do 35 godina života – 400.000,00 KM za 20 osoba

Član 3.

Iza člana 7. dodaje se članovi 7a., 7b., i 7c., i glasi:

„Član 7a.

PROGRAM SUFINANSIRANJA „RAZVOJ PREDUZETNIŠTVA I PODRŠKA POKRETANJU NOVIH START UP KOMPANIJA NA PODRUČJU KANTONA SARAJEVO“ - UNDP

- (1) Program sufinansiranja „Razvoj preduzetništva i podrška pokretanju novih start up kompanija na području Kantona Sarajevo“ - UNDP (u daljem tekstu: Program UNDP) realizuje se u okviru UNDP-ovog projekta „Boljom upravom do bržeg ekonomskog rasta (EGG)“ kroz pružanje podrške razvoju preduzetništva i osnivanja novih i perspektivnih kompanija na području Kantona Sarajevo, a za koju su UNDP, Ministarstvo privrede Kantona Sarajevo i Služba kreirali zajedničku grant shemu pod nazivom „Razvoj preduzetništva i podrška pokretanju novih start up kompanija na području Kantona Sarajevo“. Javni poziv za ovaj program 28.06.2019.godine, objavio je UNDP.
- (2) Cilj Programa UNDP je dodatno obrazovanje i samozapošljavanje.
- (3) U Programu UNDP pravo učešća imaju osobe koje u momentu prijave nisu starije od 35 godina, a koje su prijavljene na evidenciju nezaposlenih u Kantonu Sarajevo i da

do sada nisu koristili bespovratna sredstva iz drugih izvora u svrhu samozapošljavanja i/ili pokretanja biznisa.

- (4) Korisnici Programa UNDP na raspolaganju će imati sljedeći paket podrške:
 - a) Specijalistički višednevni modularni preduzetnički trening program;
 - b) Bespovratna finansijska podrška za realizaciju najbolje ocjenjenih biznis planova;
 - c) Plaćene troškove obaveznih doprinosa na plate tokom prve godine poslovanja;
 - d) Mentorska podrška i praćenje tokom prve godine poslovanja.
- (5) Specijalistički višednevni modularni preduzetnički trening program će obuhvatiti ključne tematske module za pokretanje i vođenje biznisa kao što je razvoj poduzetništva, odabir poslovnih ideja i proizvoda/usluga, razvoj malih i start up preduzeća, povezivanje sa pružaocima savjetodavnih usluga, pregovaranje sa bankama i drugim finansijskim institucijama.
- (6) Bespovratna finansijska podrška za realizaciju najbolje ocjenjenih biznis planova se realizuje po završetku trening programa iz stava (5). U ovoj fazi će se na osnovu izrađenih biznis planova tokom trajanja trening programa, izvršiti njihovo komisijsko vrednovanje i bodovanje po već utvrđenim kriterijima navedenim u stavu (7) ovog člana. Stručna komisija koja će vrednovati i bodovati biznis planove biće sastavljena od predstavnika UNDP-a, Ministarstva privrede Kantona Sarajevo i Službe uz učešće vanjskih kvalifikovanih stručnih članova. Najbolje ocjenjenih 55 biznis planova će dobiti grant sredstva u iznosu do 15.000,00 KM po jednom biznis planu za njegovu implementaciju.
- (7) Kriteriji za bodovanje prijave nezaposlenih osoba su:
 - a) Kvalitet i tržišni potencijal poslovne ideje – maksimalno 40 bodova;
 - b) Poslovna ideja je vezana za jedan ili više prioriternih ekonomskih sektora u okviru grant sheme (IKT, turizam, kreativna industrija, metal i drvoprerađivačarstvo) – maksimalno 20 bodova;
 - c) Intervju – maksimalno 30 bodova;
 - d) Podnosilac prijave je osoba ženskog spola – 10 bodova.
- (8) Plaćeni troškovi obaveznih doprinosa na plate tokom prve godine poslovanja, jedina je finansijska obaveza Službe u Programu UNDP. U tom cilju Služba će nezaposlenim osobama koje budu obuhvaćene ovim programom i registruju samostalnu djelatnost, mjesečno, 12 mjeseci, refundirati sredstva u ukupnom iznosu od 600,00 KM za uplatu zakonom propisanih poreza i doprinosa, bez obzira koliko oni iznosili.
- (9) Nezaposlenim osobama koje budu obuhvaćene Programom UNDP, obezbjeđeno je pružanje mentorske podrške tokom prve godine poslovanja kako bi se pružila dodatna podrška novoosnovanim preduzećima, te odgovorilo na povećan rizik poslovanja i uticalo na održivost registrovanih biznisa.
- (10) Vrednovanje prijave nezaposlenih osoba se vrši na osnovu utvrđenih kriterija u ovom članu i Stručna komisija utvrđuje prijedlog liste nezaposlenih osoba za učešće u Programu UNDP. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste nezaposlenih osoba, direktor Službe zaključuje ugovore sa nezaposlenim osobama čije su prijave za učešće u Programu UNDP prihvaćene.

- (11) Ugovorom iz stava (10) ovog člana uređuju se prava i obaveze Službe i nezaposlenih osoba koje registruju samostalnu djelatnost (obavezu pravdanja pomenutih troškova dostavljanjem dokaza i dr).
- (12) Rok za realizaciju Programa UNDP je 15 mjeseci od dana potpisivanja pojedinačnih ugovora iz stava (10) ovog člana.“

„Član 7b.

PROGRAM JAVNIH RADOVA PLUS

- (1) Program javnih radova PLUS u Kantonu Sarajevo (u daljem tekstu: Program javnih radova) se realizuje angažovanjem na period do dva mjeseca ugroženih kategorija nezaposlenih osoba sa evidencije nezaposlenih Službe, a u svrhu izvršavanja poslova od šireg društvenog interesa.
- (2) U ovom programu prednost za učešće imaju nezaposlene osobe: demobilisani borci, šehidske porodice, RVI, djeca RVI koji imaju 100 % procenat invalidnosti, djeca dobitnika najvećih ratnih priznanja, civilne žrtve rata, te najugroženije kategorije nezaposlenih lica korisnika prava iz oblasti socijalne zaštite i to: roditelji djece sa invaliditetom od najmanje 80 % invaliditeta, žrtve nasilja u porodici, bivši štíćenici domova za djecu bez roditeljskog staranja, liječeni ovisnici o psihoaktivnim supstancama, Romi, lica sa invaliditetom, samohrani roditelji, korisnici javnih kuhinja, kao i osobe sa statusom člana domaćinstva u kome ni jedan član nije zaposlen i nezaposlene osobe iz savjetodavnog procesa, a koje imaju individualni plan zapošljavanja sačinjen od strane savjetodavca u birou.
- (3) Nezaposlene osobe iz stava (2) ovog člana, moraju biti prijavljene na evidenciju nezaposlenih Službe, prije objave javnog poziva za Program javnih radova PLUS.
- (4) Neto naknada za angažovanje iznosi 800,00 KM, mjesečno po angažovanoj osobi, odnosno 883,00 KM u mjesečnom bruto iznosu, a svi drugi eventualni troškovi, padaju na teret poslodavca.
- (5) Cilj Programa javnih radova PLUS je stimulisanje zapošljavanja teško zapošljivih kategorija nezaposlenih osoba, radnim angažovanjem kroz Program javnih radova PLUS.
- (6) Program javnih radova PLUS će se izvoditi u oblastima:
 1. uređenja okoline, izgradnje i sanacije infrastrukture,
 2. socijalne zaštite na području Kantona Sarajevo,
 3. kulture, turizma i sajamskih manifestacija.
- (7) Poslodavci koji žele učestvovati u Programu javnih radova PLUS, dužni su:
 1. podnijeti aplikaciju u roku predviđenom u javnom pozivu,
 2. priložiti projekat iz jedne ili više oblasti navedenih u stavu (6) ovog člana, sa preciznim opisom poslova koji će se izvršavati, tačno navedenim brojem i strukturom izvršilaca. U projektu je potrebno navesti i druge podatke bitne za vrednovanje aplikacija, prema kriterijima iz stava (9) ovog člana,

3. uz aplikaciju je potrebno priložiti slijedeće: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korisnik šifra budžetskog korisnika), sve u originalu ili ovjerenom fotokopiji.
- (8) Poslodavci koji redovno ne izmiruju obaveze uplate javnih prihoda, ne mogu učestvovati u Programu javnih radova, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru.
 - (9) Kriteriji za vrednovanje aplikacija su:
 1. Projekti poslodavca kojima je osnivač općina, Kanton Sarajevo, Federacija Bosne i Hercegovine i Bosna i Hercegovina - 4 boda
 2. projekti od značaja za širu društvenu zajednicu u smislu direktne koristi za veći broj lica – 4 boda,
 3. projekti od značaja za širu društvenu zajednicu u smislu direktne koristi za korisnika krajnje usluge – 2 boda.
 - (10) Vrednovanje aplikacija se vrši u Službi, a na osnovu priložene dokumentacije, u skladu sa kriterijima iz stava (9) ovog člana. Na prijedlog Upravnog odbora Službe ovu listu usvaja Vlada Kantona Sarajevo, a po usvajanju iste direktor Službe zaključuje ugovore sa aplikantima čije aplikacije za učešće u ovom programu su prihvaćene.
 - (11) Ugovorom iz stava (10) ovog člana, uređuju se prava i obaveze Službe i poslodavca, pravo poslodavca na izbor nezaposlene osobe i obavezu zaključivanja ugovora o angažiranju sa nezaposlenom osobom, obavezu isplate naknada i pripadajućih poreza i doprinosa za angažiranu osobu, obavezu pravdanja svih troškova i dr.
 - (12) Rok za realizaciju Programa javnih radova je 4 mjeseca od dana potpisivanja ugovora sa poslodavcem iz stava (11) ovog člana.

„Član 7c.

PROGRAM SUFINANSIRANJA SAMOZAPOŠLJAVANJA OSOBA DO 35 GODINA ŽIVOTA

- (1) Program sufinansiranja samozapošljavanja osoba do 35 godina života (u daljem tekstu: Program samozapošljavanja), realizuje se njihovim samozapošljavanjem, odnosno pokretanjem samostalne djelatnosti.
- (2) Cilj programa sufinansiranja samozapošljavanja osoba do 35 godina života je kraće trajanje nezaposlenih mladih osoba i stimulisanje njihovog samozapošljavanja.

- (3) Pravo učešća u Programu samozapošljavanja imaju mlade osobe koje u momentu objave javnog poziva za ovaj program imaju do 35 godina života, prijavljene na evidenciju nezaposlenih u Kantonu Sarajevo, prije objavljivanja javnog poziva, a koje imaju osnovne pretpostavke za bavljenje samostalnom djelatnošću u Kantonu Sarajevo i koje do sada nisu koristile sredstva za samozapošljavanje od strane Službe i Federalnog zavoda za zapošljavanje.
- (4) Služba će mladim nezaposlenim osobama, koje budu obuhvaćene ovim programom i registruju samostalnu djelatnost, na ime troškova registracije i početnog kapitala, doznačiti sredstva u iznosu od 2.000,00 KM, te mjesečno, u trajanju od 12 mjeseci, refundirati sredstva u ukupnom iznosu od 1.500,00 KM, za isplatu plaća i uplatu zakonom propisanih poreza i doprinosa. Pravidanja novčanih sredstava na ime troškova registracije i početnog kapitala, kao i za isplatu plaća i uplatu zakonom propisanih poreza i doprinosa biće definisano Ugovorom između Službe i potpisnika Ugovora.
- (5) Programom samozapošljavanja neće se sufinansirati osnivanje udruženja i fondacija kao ni aplikacije osoba koje su već koristile sredstva za ove namjene od strane Službe ili Federalnog zavoda za zapošljavanje.
- (6) Nezaposlene osobe koje žele učestvovati u ovom programu dužne su podnijeti:
- Aplikaciju na propisanom obrascu sa navedenim osnovnim elementima samozapošljavanja
 - Izjavu ovjerenu kod općinskog organa ili notara, a koja je sastavni dio aplikacije
 - Obaveznu formu poslovnog projekta, propisanu od strane Službe.
- (7) Kriteriji za vrednovanje aplikacija su:
- Aplikanti koji su na evidenciji nezaposlenih:
 - do 12 mjeseci..... 1 bod;
 - od 12 do 48 mjeseci 3 boda;
 - preko 48 mjeseci..... 5 bodova;
 - aplikanti koji će registrovati:
 - proizvodnu, turističku ili djelatnost iz IT sektora..... 7 bodova;
 - proizvodno uslužno zanatstvo i stučne usluge..... 5 bodova;
 - poljoprivredna djelatnost..... 2 boda;
 - ostale djelatnosti..... 1 bod;
 - aplikant koji će registrovati društvo sa ograničenom odgovornošću..... 5 bodova;
 - ocjena poslovnog projekta:
 - zadovoljava..... 5 bodova;
 - dobra..... 7 bodova;
 - odlična..... 10 bodova;

KRITERIJ ZA OCJENU POSLOVNIH PROJEKATA APLIKANATA

KRITERIJ 1: INOVATIVNE IDEJE

- Da li je poslovna ideja inovativna i na koji nači? (do 5 bodova) ____
- Da li je opis poslovne ideje dovoljno jasan? (do 5 bodova) ____
- Da li su u opisu identifikovane potrebe kupaca koje se nastoje zadovoljiti poslovnim idejom ? (do 5 bodova) ____

KRITERIJ 2: KVALIFIKACIJE

- Kvalifikacije aplikanata (iskustvo, znanje, motiv, stručnost..) za pokretanje biznisa u navedenoj djelatnosti? (do 15 bodova) ____

KRITERIJ 3: PROIZVOD/USLUGA

- Po čemu će proizvod/usluga biti jedinstven? (do 5 bodova) ____
- Da li su navedene sve najvažnije karakteristike proizvoda/usluge koje će se nuditi na tržištu? (do 3 boda) ____
- Da li je jasna namjena proizvoda/usluge? (do 3 boda) ____
- Postoji li detaljno opisan proces izrade proizvoda/usluge? (do 3 boda) ____
- Da li su svi potrebni resursi za izradu proizvoda/usluge raspoloživi? (do 3 boda) ____
- Ima li proizvod ili usluga štetan uticaj po okolinu? (do 3 boda) ____

KRITERIJ 4: TRŽIŠTE

- Postoje li informacije o provedenom istraživanju tržišta? (do 3 boda) ____
- Da li je izvršena segmentacija tržišta i identifikovani ciljni kupci? (do 3 boda) ____
- Koji su trendovi na ciljnom tržištu? (do 3 boda) ____
- Da li je urađena analiza konkurencije i konkurentskih snaga? (do 3 boda) ____
- Da li su navedene preferencije potencijalnih kupaca? (do 3 boda) ____
- Postoji li plan prodaje proizvoda/usluga i da li je realan? (do 3 boda) ____
- Da li je naveden plan nastupa na tržištu i način upotrebe instrumenata marketinga? (do 7 bodova) ____

KRITERIJ 5: FINANSIJE

- Da li su realno procijenjena sva neophodna ulaganja za početak rada? (do 3 boda) ____
- Da li su ukalkulisani svi troškovi poslovanja za posmatrani period? (do 3 boda) ____
- Da li su prihodi realno procijenjeni? (do 3 boda) ____
- Ocjena profitabilnosti i likvidnosti (do 3 boda) ____
- Mogućnost da aplikant obezbijedi neophodna sredstva za početak rada (do 3 boda) ____

KRITERIJ 6: ORGANIZACIJA POSLOVANJA I ANALIZA RIZIKA

- Da li su jasna zaduženja aplikanata i utvrđeni rokovi za izvršenje planiranih zadataka? (do 5 bodova) ____
- Da li su navedeni najznačajniji kritični faktori za pokretanje biznisa te načini za njihovo prevazilaženje (do 5 bodova) ____

Obrazac za ocjenu poslovnog Projekta:

IME I PREZIME APLIKANTA

POSLOVNA IDEJA:	Maksimum bodova	Dobiveni bodovi
	100	

1. INOVATIVNOST IDEJE	15	
2. KVALIFIKACIJA APLIKANTA	15	
3. PROIZVOD/USLUGA	20	
4. TRŽIŠTE	25	
5. FINANSIJE	15	
6. ORGANIZACIJA POSLOVANJA I PROCJENA RIZIKA	10	

UKUPNO REZULTAT:	100	
-------------------------	------------	--

Poslovni plan do 30 bodova ocjenjuju se konačnom ocjenom – ZADOVOLJAVA

Poslovni plan od 31 do 80 bodova ocjenjuju se konačnom ocjenom – DOBAR

Poslovni plan preko 81 boda ocjenjuje se konačnom ocjenom – ODLIČAN

KONAČNA OCJENA: _____

- (8) Kod istog broja bodova, prednost se daje aplikantu koji je duže vrijeme na evidenciji nezaposlenih.
- (9) Sve nezaposlene osobe kojima budu odobrena sredstva za samozapošljavanje, dužne su pohađati radionicu „Obuka za poduzetništvo“ koju organizuje i provodi Služba, a što će se regulisati ugovorom iz narednog stava.
- (10) Aplikacije iz prethodnog stava se na osnovu gore navedenih kriterija vrednuju u Službi i utvrđuje se prijedlog liste aplikanata za učešće u Programu samozapošljavanja. Na prijedlog Upravnog odbora Službe, ovu listu usvaja Vlada Kantona Sarajevo, a po usvajanju iste, direktor Službe, zaključuje ugovore sa aplikantima čije su aplikacije za učešće u Programu samozapošljavanja su prihvaćene.
- (11) Ugovorom iz prethodnog stava, uređuju se prava i obaveze Službe i aplikanata, obaveza isplate plaće i zakonom propisanih poreza i doprinosa, obavezu pravdanja pomenutih troškova i dr.

- (12) Rok za realizaciju Programa samozapošljavanja je 18 mjeseci od dana usvajanja listi iz stava (10) ovog člana.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1

